



*Do dōes partidas debles se lascia La Val ince tó dal Mühlwald i trêi punc. Cotan á mancé la determinaziun dan porta a segné.*

□

---

La squadra da La Val ne á mai albü gran simpatia por i avversars da Mühlwald. Gonot é les partidas decuntra caraterisades da en jüch gro y da stritaries, avisa ince tla partida de andata, de chëra che La Val á pordü cun na prestaziun eclatanta da pert dl'arbitrer ti cunfrunc di ghesc y n comportamënt sportif nia iüst da pert de chi da Mühlwald. Por i ladins na motivaziun inplö por davagné la revanche sot le publich de ciasa, mo sciöche an á podü udëi, castighëia i avversars amez le secundo tēmp sön üna dles püces ocasiun conzedüdes y condüj insciö i trêi punc fora en puster.

Les scuadres scomëncia ala pêr, ti prûms menüc ne éle nia gran ocajiuns da spié. Impormó ala cherd'ora é n palé arlungé dala defenjiun che fej pié ia Franz dassú cuntra porta, de püch it dal limit de area fejel pié ia na trata bassa che vëgn deviada dal'un dl Mühlwald cun na gran parada te ciantun. Al ne passa tröp che Alex sciampa da na pert jö y crossëia la cogura amez: Franz rōia a püc metri dan porta, controlëia bun y chir le pröm pé, la gran reativité dl portier archita indo sō le curan. Do chësc vëgn la formaziun de ciasa tignida zeruch dala presciun di pustri che rōia tres plö cuntra porta. Al 35<sup>^</sup> i vëgnel conzedü dal arbiter n önescmetri, le atacant se fej tomé a tera do ester gnü tigní dal defensur ladin. Le medemo sogadú che procurëia le önescmetri se presentëia ince ala trata, in chësc ciade á i ladins fortuna, le curan vëgn splundré sura porta fora. Ti ultims menüc é La Val che manacia de sblochë le resultat cun val ocajiun sön situaziuns standard o trates dalunc. Le verdaporta puster é tres sigü sön vigni palé y defënn insciö le resultat.

### Le pröm tēmp se rōia sön le 0 - 0

A mēt man bun le secundo tēmp é i pustri, bele do püc menüc vëgn la defenjiun de ciasa taiada fora cun n palé alt, le portier Julian mëss gni adincuntra por abiné denant le curan y le devié te ciantun. Bel plan é indo i ladins che ciafa coraje y se alza cun en modul plö ofensif, chësc porta atira sū früc, le atacant Adrian vëgn sorví dal mezciamp y rōia a püc metri dan le portier che prô de antizipé la trata che rōia indere de püch dlungia ia. Al 65<sup>^</sup> é Stefan che archita n palé âlt al limit, se fej lerch cuntra porta y ne vëiga nia a dërt mumënt le cumpagn Werner ia dô, insciö prôl la trata che ne garetä nia y rōia ince dlungia ia. Cun l'intenziun de renforzé l'atach rōia te ciamp Michele C., che mëss indere bele do ma dui menüc de jüch lascé le ciamp por n tai sura l'edl, procuré sön n contrast de ce, la ferida mëss gní cujida. Al 75<sup>^</sup> suzedera anfat sciöche la partida da denant cuntra les Gsies, dô tröp tēmp che i aversars ne rōia nia te area ladina, vëgn metü amez na crossada por le atacant Steiner, che rebat le palé sön le pé lunch cun n gran stach de ce. Na saïta fora de n sarëgn por i patruns de ciasa che mëss ciaré de rosedé le resultat tla ultima cherd'ora dla partida. Al vëgn rischié ciamó deplö cun l'inserimënt de n atacant inplö. Ince sce La Val fej na gran presciun sön i portadus dl palé y cuncuistëia n grüm de palés tl mezciamp aversar, mancel impó la iüsta determinaziun y le carater por avalié le resultat, le impëgn ne vëgn cina l'ultim menüt nia premié. Cun la terza pordüda indolater se fej La Val ince

sciampé dant dal Mühlwald y se archita al cuinto post a döes partides dala fin dl campionat.

### La Val – Mühlwald: 0-1

**Formaziun La Val:** 1. Julian Moling, 2. Luca Pescollderung, 3. Werner Sottara (dal 70<sup>a</sup> Felix Nagler), 4. Paolo Vallazza, 5. Marco Castlunger, 6. Christian Dapoz, 7. Max Nagler, 8. Stefan Sottara - capitan, 9. Adrian Miribung, 10. Alex Elzenbaumer, 11. Franz Tolpeit (dal 65<sup>a</sup> Michele Campeï y dal 70<sup>a</sup> Martin Ploner),

**Proscima partida:** *In dumënia ai 22 de má dales 16:00 a Vierschach cuntra la squadra de cïasa*

### Atri resultac:

Altherren: La Val - Falzes: 2-0

Juniores: Val Badia - Burnech: 6-1

U-15: Val Badia – Mareo/La Val: 0 –1

U-13: La Val – Mühlwald: 1-1

U-10: Rasen/Antholz I – La Val: 4-0